



Gakax Gunru ki Inbaru tu Deklarasion de Interés ki US DOL kati zua kieru Didza Bixhaj lu Dxin

Yugu tu Tanaba ka Bunatxi Wen Dxin lenka Representante kieke¹

Kaní naka

Tu raka gun Departamentu ki Dxin ki Stadiusunidu (United States Department of Labor, “US DOL” o “Departamento”) len tu rala gaka naka lunáka wen dxin. Peru yuguka, bunatxi na kabi naganka autorisadu ki gunka dxin o txa status migratoriu kiki naka lu nei un rui leiki dxin, tadxikine idixjéke txunnu rusaka ruki’i lake, gw_artil ui lu autorida, o ilinabake yugu deretxu kieke. Ka raka, bala ka bunatxi wendxin tunxhiniki leiki yunu nu rui leiki dxin, tadxiki ilineunati nu run inbestigari txa rala inéz status migratoriu kii o yugu ka diadza kiki o bunatxi ladziki, tadxike idzá bëni na rue lake dxin o tadxikine ulugwake litxike o ululagake lake o diadza kieke o yugu bunatxi waladza kieke. Ati tua na yugu, ka wen dxin len naza Departamentu na tibira rizekiki ilunka ga gata ka yugu te deretxu yugu tu run protejeri ka bunatxi runke dxin, nazaa yuguka bëni na de kieke dxin len rapake yugu ka lei ki dxin tibi raka kieke dxi’a komu tibi dzéke tubez len ka bëni na masra.

Ta nazii US DOL, txi Luka xtsei run yudari ki guniru dxin diskresion fiskal ki Yu’u na rui lawi ki nakaru seguru lu paiz ni (Department of Homeland Security, DHS), ki kaa gunru ga sii kumplimiento ki yugu ka lei idute gana rinse US DOL. Diskresion fiskal na nadzaga len yugu bunatxi tadxin lu yédzi ni waka gun aksion diferida, liberta kundisiunal, o yazikala gakax modu de ki kabi uzegiru bunatxi.

Lu gitxi ni, Departamentu na ridixjé gakax gunru ki inbaru gakalente reo o nu naka representanti kieru inaba kulen lu US DOL. Waka kuru solisitu rimedi dxira lu DHS, tu wëaj tu wëaj ki kaa gunru yudari yugu ka bunatxi na tun dxin ki gakatxi dxin kieru xkalen US DOL.

Txaba rennu inésnu masra gakax runiru dxin ta nazii aksion diferida na runa kieru DHS ki kaa gaka gunru dxi’a txinru, buyu www.dhs.gov/enforcement-labor-and-employment-laws.

Txaba rennu inésnu masra ki yugu ka lei na runi dxin US DOL len yazikala yugu ka ajensia federal ki dxin, buyu <https://www.worker.gov>.

Gitxi ga Rinabaru ki reniru kulen ki US DOL.

Yugu ka bunatxi wen dxin zua lenke didza bixhaj ki dxin lu lataj gana runke dxin waka ilinabine US DOL ki gwi kieke tu “Gitxi ga rinabaru ki reniru kulen ki USDOL” rala isélaru tu solisitu lu statementrequests@dol.gov lu asuntu ki uzuaru “Rinaba Gitxi ga rinabaru ki reniru kulen ki US DOL”.

Kana ridixjëitu lubile lu tu rinaba ka bunatxi numeru tsuna #3 na zaa lawi ni, rinabitu ka bunatxi tanaba kulen ni ga ulunédzje gjajli informasiun lu solisitu na isélale lu koreo na isélale ki kaa Departamentu na udzéli gaxte zua dxin na rajsua lei didza bixhaj. Rinabitu ka yugu ka bunatxi na teni ilinaba kulen ki isélale yugu te ka prueba seki guxu xtidzale, kana txi gunakazru lu tu rinabatikazka bunatxi numeru xupa #6 ki kaa US DOL seki guni leiki dxin na gala ulubike didza lu solisitu na ridxinka kieke. Yugu tu rala isélu naka:

- Tu gitxi ga ridixjéu dxi’a gakax naka didza bixhaj na risalju ki lu dxin kiu naa inó gaxte zua lataj na runu dxin len gakax ni’i nutsa yugu ka lei na runi dxin US DOL;
- Tu gitxi ga ridixjéu dxi’a txa tungadxikine lii o yugu bunatxi xkompu lu lataj gana runle dxin; seas tu guka kiele lubile o tu bleile lubile kati yajsua tu didza bixhaj lu dxin; lazka

¹ Yugu tu tanatikazka bunatxi ni bukwbike leiki 3 tsuna beo abril iza 2024. Pajina web ki Departamentu ki Segurida ki Yédzi (Department of Homeland Security, DHS) nazii lei “Kulen ki DHS ki sii Xbei yugu ka Lei ki Dxin” (“DHS Support of the Enforcement of Labor and Employment Laws”) na zaa masra informasion, waka uyu lei ni: <https://www.dhs.gov/enforcement-labor-and-employment-laws>.





Tu ribeki xbei Departamentu Dxin ki Stadusunidu

- Tu gitxi ga ridixjële dxi'a gakax ni ki tu radxile uzeike lubile badxi o gunxhinike lubile o gugadxike ka yugu bunatxi wen dxin ki tibira gunake litxile o bipala lei ki inmigrasiun tu sa zára, ati tua naka tu bengadxi ka bëni wen dxin ki kabi ridixjëke kati rusaka rukike lake lu ga runke dxin o didza txi zua lu US DOL o txa bipala tua runle len US DOL. Txaba run ba yudxi, laska bulizua bixora na guka kaa, gaxte ni'i guka kaa, le bititez bipa txi guka.

Nadxi ulidza lii US DOL na ki ilinabayudxike yugu tu rala inëzkine, tu run ba yudxi uzuu kontaktu kiu lu gitxi solisitu na isëlu. Solisitu na waka gun lei bunatxi wen dxin na o nu run difensa ki o nu naka representanti ki. Yugu ka solisitu na waka gunru lei txaxhën nadzagaru len ka yazikara xkonparu run lenru dxin.

Nupa tanaba kulen na tibi rala uludee informasion gwike lei US DOL, kana idixjëitu lubile ni.

Informasion naka uguni lein dxin US DOL:	Buzaa ladxu TIBI ugutsu:
<p>Informasion Ridixjëë gax zua Lataj na rune dxin bëni wen dxin na o Bëni na runëdzje dxin</p> <ul style="list-style-type: none"> Lee bëni na runëdzje dxin (karaka lei tu enpresa) Direksion ki lataj lu dxin Gaka xtsei txi guka zua didza bixhaj ki dxin Lei ajensia ki US DOL gana yajzuu keja o ta zua run inbestigari o zua rayaj didza bixhaj na <p>Informasion ki didza Bixhaj ki Dxin na</p> <ul style="list-style-type: none"> Gitxi ga ridixjëë ki didza bixhaj len gakax nuga kwini len yugu ka lei na runi dxin US DOL Gitxi ga ridixjëë txa rungadxikine lii o ruzeikine lii badxi ni ki tu zua kiele didza bixhaj ki dxin Gitxi ga ridixjëë gakax ni'i ta radxikine bëni wen dxin na ki uzeikine lake badxi o yugu aplikasion rugutsa imigrasion, nadxi gungadxi ka bëni wen dxin ki idixjëke o udeke didza len US DOL Informasion ki gakax ulidzaru bëni na zuee rinabe kiee 	<ul style="list-style-type: none"> TIBI uzuu lake bëni wen dxin ki kiezke (yugu ka Deklarasion de Interés ki US DOL na tuz xlataj dxin o ga zuee bëni na runëdzje dxin ruzua, tibi ruzua laka bunatxi); TIBI uzuu antesedente o yugu tu nakini imigrasion ki ka bëni wen dxin na tuwëajke; TIBIuzuu direksion ga zua lidxike bëni wen dxin na tu wëajke TIBI ugutsu kopia ki ka gitxi ki identida ki ka bëni wen dxin, karaka pasaporti, lisensia len tarjeta ki identifikasion; TIBI tibi uzuu informasion kabi nu rala inëz ki identifikasion personal, karaka bi fetxa guzuu idzaliyu, numeru ki seguru sosial, o numeru ki registru kieka bunatxi zitu; TIBI ugutsu formulariu G-28 len yazikala formulario ki imigrasion 

Departamentu na wadzei idu txiuruaa 30 dza ki ina txa ba gudëdi solisitu kiele o txaba rala bi utsale ki isëlale lei tu yubla kaa. Buzaa ladxu buyu tu rinabatikazka bunatxi numeru txi'inu #13 ki inësnu masra. Txa US DOL na, rakaz ki, gun tu Gitxi ga rinabaru ki reniru kulen ki USDOL, US DOL na rala isëla kiero tu kopia len laska isëla kopia lu DHS.

Gitxi nukubi ga Rinabaru ki reniru kulen ki US DOL ki kaa sën re'o txa inabaru yu tu Solisitu ki Aksion Diferida kuxë widzaj

Ki seki US DOL na uzatsa dxi'a yugu te ka Gitxi ga rinabaru ki reniru kulen ki US DOL, yugu nupa tanaba kiki rala ilisëlaka solisitu kiki **skiera tu gayuaa yu'u tsunalalaj 160 dza ziala udxi tska xtsei na runake ki inabaru aksion diferida.**

Yugu ka solisitu na waka isëlale leiki len koreo gana nazii lei statementrequests@dol.gov lu asuntu ki rala usuale gitxi ga rinabaru ki "Reniru Kulen ki US DOL." Lu solisitu na isëlu lu koreo, rala uzuu ki rinabu tu Gitxi ga rinabaru ki reniru kulen ki US DOL ki kaa gaka sën re'o txa reniru batala kuru yu tu solisitu lu DHS. Rinabitu lubile ki udela gjajli informasiun ki kaa seki Departamentu na ugilaj gaxte ni na zua dxin na ruzuale lei yulawi ati zua ki didza bixhaj.



Tu ribeki xbei Departamentu Dxin ki Stadiusunidu

Waka uzú, bix lee bëni na rúne kiu dxin (o lei empresa gana runu dxin) gaxte zua lidxi dxin len bi fetxa gudela Deklarasion de interes ki US DOL. Departamentu na wadzei idu txiuruaa 30 dza ki ina txa ba gudédi solisitu kiele. Buzaa ladxu buyu tu rinabatikazka bunatxi numeru txi'ínu #13 ki inésnu masra gakax ni'i isèlu soliitu kiu. Txa US DOL, kaz run ki, guna tu Deklarasion de interes ki US DOL ki sèn yu tu solisitu sa zala ki aksion diferida, US DOL na rala isèla tu kopia lu DHS len laska tu kopia ki nu bunatxi na rigu solisitu ki. Txa US DOL itxuguli ki tibi guna Deklarasion de interés ki US DOL, wadixjèikiz lubile US DOL naa.

Tu Tanabatikazka Bunatxi

1. Ba rizii Departamentu ki dxin ki Stadiusunidu (US Department of Labor) yugu ka solisitu na runka xhèn yugu ka bunatxi na tanaba aksion diferida txa zua kieke diza bixhaj lu dxin?

Á. Rapatu kwenta yugu ka solisitu na ruzètaj la ka bunatxi runèdzajke dxin len yugu xlatajki dxin tu wèaj tu wèaj. Txa US DOL gun tu Deklarasion de interés ki US DOL, bëni wen dxin na waka ugunne dxin deklarasion naa ki sèn txa kwe'e solisitu kie tuze lu Departamentu ki Segurida Nasional (Department of Homeland Security, DHS) ki gaka aksion diferida na. Ki seki US DOL gun ga gaka kunplir yugu ka lei ki lataj gana rinabei, tibi run bayudxi gakax zua xtatu migratoriu kiu, yugu ka bëni wen dxin na libri naka ki gutsake lu inbestigasion na len yugu tu raka run Departamentu tibi gadxile ki tsajtsu'u lubile lu gitxi kiele ki suale ni.

2. Bix tua na Deklarasion de interes ki US DOL?

Deklarasion de interés ki US DOL naka tu gitxi karta ruzuaj US DOL na risèla lei lu DHS, ga rui didza ki tu bëni runèdzje dxin o tu lataj ga de dxin, len tu situasion gana guniru dxin diskresion fiskal na gun yudari US DOL na ki gun ga gaka kunplir lei lu lataj ga rinabei. yugu ka Deklarasion de interés ki US DOL na riruajka segun nu runa kieru dxin o ga runru dxin, ati tibi ruzètaj laru reo bunatxi nakaru wen dxin.

3. Gakax ni'i guna inaba tu Deklarasion de interés ki US DOL?

Yugu ka bëni wen dxin zua kieke didza bixhaj lu lataj gana runke dxin, waka ilinabine US DOL na ki gwi kieke tu "Deklarasion de interés ki US DOL". De ki rala isèlake tu solisitu lu statementrequests@dol.gov lu asuntu ki uzuale "Rinaba Gitxi ga rinabaru ki Reniru kulen ki US DOL". Lu solisitu na isèlu lu koreo elektroniku, rinabitu lubile ki udele gajli informasiun ki kaa seki Departamentu na ugilaj gaxte ni na zua dxin na ruzuale lei yulawi ati zua ki didza bixhaj. Lee bëni na runèdzje dxin (ka raka lei empresa) gaxte zua dxin na, gaka xtsei txi guka zua didza bixhaj na, lei ajensia ki US DOL gana yajzuale keja kiele o ta zua ruzatsa o run inbestigari o zeaj len demanda (ka raka ta nazii Tu ruyu laxhajru le bala ora runru dxin (Wage and Hour Division) o ta ritxee Administrasiun ki Seguridad le Salu ki dxin (Occupational Safety and Health Administration) len laska numeru ki kasu, yugu te tua waka guni leiki dxin US DOL. **Tibi rala uzuaru leiki len datu personal kika bunatxi wen dxin na tadake tuzke (uyugu dxíla).**

Laska, rinabitu lubile ki utubile yugu ka prueba sekiki sènka biti tez ta txi bula'tu lu tu tanabatikazka bunatxi numeru xupa #6 yugu te tu gapa kwenta US DOL na ukabike yugu ka solisitu kiele, ka raka:

- Tu gitxi ridixjè didza bixhaj ki dxin na runle, na uzuale gaxte zua yu'u ki dxin na len gakax ni sayaj len tu ni yugu ka lei na runi dxin US DOL;
- Tu gitxi ridixjè txa buzeikine lubile badxi o bengadxikine lubile bëni wen dxin lu dxin kiele o txa bleile nu guka kaa ki; ni ki didza bixhaj ki dxin
- Tu gitxi ridixjè gakax ni'i ni ki tu radxikine bëni wen dxin na ki nu bi gun kieke ki kabi gata litxike o kabi suake dxi'a lu yèdzi, o kabi tsajtsu lake lei ki inmigrasion tua nadxi uzani ka bëni wen dxin na ki idixjèke txa nu rusaka ruki'i lake lu dxin o ni ki didza bixhaj ki dxin zua lu US DOL o ni ki tu rudeke diza lu US DOL na. Txaba run ba yudxi, buzua bixora, gaxte ni'i guka kaa, len bititez yugu tu naka inportante.

US DOL na waka ulidza bunatxi na rune solisitu ki inabi lee, tua na run ba yudxi uzuale gakax ni'i gunke lubile kontaktari, de ki uzuale tu kontaktu naka dxi'a. Solisitu na waka gune lei bëni wen dxin o nu zua run defenza kie o nu naka representanti kie. Laska solisitu na waka gunka lei tu grupu bunatxi nakaka bëni wen dxin.



Tu ribeki xbei Departamentu Dxin ki Stadiusunidu

UYUGU: US DOL usaka bee yugu ka solisitu na ki ina txaba zua tu didza bixhaj ki dxin zeaj len yugu ka lei na runi dxin US DOL l u tu dxin len gakax ni'i aksion diferida na de kieke bëni wen dxin lu xtxinke gun yudari US DOL na ki gun dxin na rala gun ati usedxi didza bixhaj na. Txaba rennu inësnu masra bulaba tu tanabatikazka bunatxi, numeru #6. Tibi run ba yudxi inëz lake bëni wen dxin ki ka tsalaj tu didza bixhaj, txa ba de masra informaci3n, ki tu rala inëskine bëni ki, US DOL ki ilinëzne ki naka kaa.

Txaba rennu bi inabu o zua tu kabi yajninu waka uzueju lu koreo ni statementrequests@dol.gov yajnei uzueju ziala isëlu solisitu kiu. Txa ba rennu inësnu masra informasion ki yugu ka lei na runi dxin US DOL len yazikala ajensia federal ki dxin, buyu gusalaj tu ni <https://www.worker.gov>.

4. Bix Informasioin Tibi Rala ku'u lu Solisitu Kiu?

Lu solisitu na isëlu lu koreo elektroniku, **tibi rala idixjëinu** US DOL yugu tu ni:

- Lake bëni wen dxin naka tuzke (tus lataj ga de dxin na lenka lee bëni na runëdzje dxin na runi dxin Deklarasion de Interés ki US DOL tibi ruzuake laru tuwëajru);
- Yugu ka antesedente len yugu nesesda ki inmigrasion kieka bëni wen dxin na;
- Direksion kieke bëni wen dxin o kopia ki gitxi ki identidad kieka bunatxi wen dxin na; karaka pasaporte, lisensia, len yugu ka tarjeta runka reo identificar;
- Informasion naka konfidensial ki tu run reo identifikari, karaka dza guzuaru idzaliyu, numeru ki seguru sosial, o numeru ki registru kieru zuaru yëdzi ekstranjeru;
- Formulariu G-28 lenka yazikala formulariu

5. Gakax guna ki inëz US DOL na ki zua tu didza bixhaj ki dxin len gakax ni'i uzua tu keja?

Txa kabi ruzuanu tu keja lu US DOL ki diza bixhaj zua lu dxin kiu, rinabitu lii ki ugunnu dxin yugu ka enlase na zaaka xhani ni ki ugilju ofisina zua gaxaj ga zuu, ati naa uzuu keja kiu:

- Ni zua tu Ofisina Lokal de Distrito ki **Dibision ki Laxhajru len tska Xtsei runru Dxin (Wage and Hour Division)** ni: <https://www.dol.gov/agencies/whd/contact/local-offices>
- Ni zua tu Ofisina Lokal de Area ki **Administrasion ki Segurida len Salu ki dxin (Occupational Safety and Health Administration)** ni: <https://www.osha.gov/contactus/bystate>
- Ni zua tu Ofisina Lokal de Distrito ki **Ofisina ki Programa rui kumplimiento yugu ka Kuntratu Federal (Office of Federal Contract Compliance Programs)** ni: <https://www.dol.gov/agencies/ofccp/contact/district-area-offices>

Udxi uzuale keja kiele, rinabitu lubile bunatxi wen dxin ki gapale kontaktu lenka ofisina dxiaka ga zuale ki udele informasion riyadzaj ki iruaj len didza bixhaj kiele. Txa gunru ta nazii lei Deklarasion de Interés ki US DOL tibi reni ina ki tibi rala uzuaru keja lu ajensia na naka lunei dxin na. Txa ridzeiru unëdzajru informasion ki didza bixhaj ki dxin lu ofisina dxiaka ladzaru nadxi utsei US DOL na ki itxuguli txa ba rala guna kieru tu Deklarasion de Interés ki US DOL.



6. Bixpa tua gapa kwenta Departamentu na ora itxuguli txa ba rala guna kieru tu Deklarasion de Interés ki US DOL txa zua kieru didza bixhaj lu dxin?

US DOL sibe tuwëaj tuwëaj solisitu len uzatsa bixpa nesesda napaka bunatxi ki txa ba rala tēdi solisitu kieru. Yugu ka Deklarasion de Interés ki US DOL na runke leiki txa ba zua didza bixhaj ki ga runru dxin, tu ni nadzagani yuguka lei runi dxin US DOL na, ti naka ki bëni wen dxin tu wëajke. Yugu ka faktori rapake kwenta nakaka tu ni zaaka xhani ni, peru tibi naka tus leiki:

- US DOL na rikini yugu ka testigu ki gutsake lu inbestigasion na raka o tu rala gaka;
- Txa DHS runi dxin ta nazii proteksion migratoria diskresional, karaka aksion diferida, de ki gun tuz interes ki US DOL na ki sike responsabilida kieke bëni na kabi gudapake yuguka lei ki dxin len guxitike lawi;
- Txa zua nu ruzeini badxi yugu ka bëni wen dxin na, txa zua nu "rungadxini" lake ki kabi gunke denuncia ki yugu tu kabi naka rutsagake lu txinke, ati ni ki tua kabi gutsake lu US DOL;
- Txa rala gun dxin lei ki inmigrasion kieke bëni wen dxin na rala gakake testigu o txa lake na risakarigike lu dxin lu lataj gana rinabei US DOL, tu ni nadxi tibi udēdi lataj ki US DOL na gun dxin na rala gun ki sii kumplimentu yugu ka lei ki dxin o gun yudari yugu ka bunatxi rinabei;
- Txa ba de probabilidada ki txa ugunike dxin lei ki inmigrasion nadxi gaka tu ukinaj ki gun txini US DOL, ki gun ga sii xbei yugu ka lei lu lataj lu yu o lu industria, o txa nadxi uzalaj masra tu gungadxi bunatxi ni ki inmigrasion.

Departamentu na uyu yugu ka faktori na txi bula'ru segun gaka zua ki tuwëaj didza bixhaj ki dxin na. US DOL na waka ulidza bunatxi na run solisitu ki inaba yudxi.

7. Na udxu isēla solisitu kia ki Deklarasion de Interés ki US DOL, bix gun US DOL na?

US DOL na itxuguli txa ba de interes ki gaka dxin na ati txaba run mereseri gata kulen ki solisitu ki aksion diferida guna li DHS. Txa ba naka kaa, len kaz itxuguli, US DOLS na isēla lu DHS len laska lu nu tua run solisitu ki tu Deklarasion de Interés ki US DOL. Deklarasion na ridixjēi DHS ki US DOL run pensari ki txa DHS na uguni dxin proteksiones diskresionales ki inmigrasion, karaka ta nazii aksion diferida kika bëni wen dxin ki tu lataj lu dxin o tu bëni rudēde dxin run ba yudxi ki kaa US DOL na seki gun dxi'a txini, len laska inēz ki nuxu tsutsu yugu ka solisitu kieke bëni wen dxin tanabke aksion diferida o bila proteksion diskresional ki inmigrasion tu yu'ka.

Ka raka, kati na yugu ka bëni wen dxin gudilake lake ni ki tu runke bë ta kabi raxhajke dxi'a o kabi raka kieke dxi'a lu dxin, ati radxikine uluzeikine lake badxi ni ki status ki inmigrasion txa gutsake lu tu inbestigasion o bi dxin legal run US DOL na, txa DHS na guni dxin aksion diferida wazeki uzētaj yela radxi kieka bunatxi len gax lake ki uzuake kieke lazake ki kaa gaka dxi'a dxin ki US DOL na. Txa ba ruzue laze bëni wen dxin na nakara bēn ki US DOL ki kaa seki gun dxi'a txini ki idela kie rekompensa len ki sue xlatje bëni na runēdzje dxin.

8. Gakax ni'i gunke bëni runke dxin laske kieske ati zua kieke tu didza bixaj ki dxin ki ilinabake proteksion diskresional ki inmigrasion lu DHS karaka tu aksion diferida?


Yugu ka bëni wen dxin na tagilje aksion diferida ki DHS rala gunke solisitiu kieke direktu len DHS na. Ki inēsnu masra gakax gunu solisitu ki isēlu lei lu DHS, gusalaj tu ni www.dhs.gov/enforcement-labor-and-employment-laws.

DHS de ki tu imajen ridixjēi re'o kanaka gaka ni'i gunru lei, tu ni zaa lu laga na yu tu.



YUGU KA SOLICITU KI AKSION DIFERIDA

KI KA BËNI WEN DXIN TUNKE KULEN YUGU KA INBESTIGASION RUNKA YUGU KA AJENSIA KI DXIN



Tu tanabatikazka bunatxi ni runa kieru informasion ki gakax gunne tu bëni wen dxin inabe tu Deklarasion de Interés ki US DOL tu naka ki didza bixhaj ki dxin, tu ni naka tu txi bleinu raala gana zua DOL.

UYUGU: Yugu ka bëni wen dxin waka gata kiee masra basi ki ilinabine DHS na gwi kiee aksion diferida o bila tu usedxi tu migratoriu kiee tu kabi rulapatu lu Tunabatikazka Bunatxi ni. Txaba rennu insënu masra, nanei gun kilju nu guna kiu asesoria legal ki inmigrasion. Txaba rennu uyuu tu lista ki ka bëni rudeke serbisio legal pro bono, buyu ni: <https://www.justice.gov/eoir/list-pro-bono-legal-service-providers>. Tibi de garantia ki waruaj dxi'a tu ni ki nutitez bëni wen dxin tu wëaj tu wëajke; ki kiee bëni wen dxin na rala kilajke orientasion ki tsajnikine dxi'a bixpa natxee ki tu wëajke txa kuke solisitu kiee lu DHS ki inabake gata kiee proteksion diskresional ki inmigrasion.

9. Tu Deklarasion de Interés ki US DOL lu tu didza bixhaj ki dxin, ba runëdzaj status migratoriu o ba run protejeri ka bëni wen dxin ka?

A'a. Tu Deklarasion de Interés ki US DOL kati zua tu didza bixhaj ki dxin tibi runëdzaj status migratoriu, ni ka run protejer yugu ka bëni wen dxin tu wëajke. Yugu ka, bëni wen dxin naka tuzke waka ugunike dxin Deklarasion de Interés ki US DOL na ki gunke solisitu inabake tu aksion diferida lu DHS. Txa ba rennu inësnu masra gakax ugunnu dxin aksion diferida na runa DHS ki sua tsutsu gaka kunpliri yugu ka lei ki dxin, buyu tu ni www.dhs.gov/enforcement-labor-and-employment-laws.

10. Deklarasion de Interés ki US DOL na ba runa garantia ki DHS na guna kieru aksion diferida o bila proteksion diskresional ki imigrasion kika tu wëaj bunatxi ka?

A'a. Txa gunake o kabi gunake aksion diferida o yuturla proteksion diskresional ki imigrasion naka tuz lunei DHS. Tu Deklarasion de Interés ki US DOL tibi reni ina ki DHS na unëdzaj aksion diferida ki ka tu wëaj bunatxi lu tu naka ki imigrasion. Yugu ka bëni wen dxin tu wëaj, ki kiee rala isëlake solisitu ki aksion diferida lu DHS. Txa ba rennu inësnu masra gakax ugunnu dxin aksion diferida na runa DHS ki guxu lii na rinabu gunke lei ki dxin, buyu tu ni www.dhs.gov/enforcement-labor-and-employment-laws.



11. Bixpa ka ajencia ki US DOL uliyu txa waka ulunëdzaj tu Deklarasion de Interes ki US DOL tu nadzaga len aksion diferida ki imigrasion na?

US DOL uyu yugu ka solisitu ki Deklarasion de Interés zeaj lenki yugu ka lei lu lataj gana zuaka ajencia ki tu wëaj uyuke lei, lei ajencia na nëz ki gaka gun dxin na uzatsa yugu tua. Segun ka naka modu US DOL na ruzatsa yugu ka solisitu ki Deklarasion de Interés ki US DOL na, nade tuz ajencia naka ki unëdzajka tu Deklarasion de Interés ki US DOL seaz ki tu lu dxin o ki tu bëni wen dxin tuze.

Balake bëni wen dxin rinabake tu Deklarasion de Interés ki US DOL len ta nazii lei OSHA waka guxu lake tu programa ki segurida len salu lu lataj gana tune dxin, txa ude lei OSHA len de ki unëdzaj lei tu stadu o tu lu yu ki EU. (tu ni nazii lei “Plan Statal”). Txa renile isëlale solisitu ki Deklarasion de Interés ki didza bixhaj lu dxin, nuxu leiki tu Plan Statal, waka gwi lenle didza Plan Statal na ki inabale txaba ruyuke yuguka solisitu ki deklarasion de interes ki ka ajencia ki dxin tu raka len ka aksion diferida. Txa ba rennu inëšnu txa ba zuu lu tu stadu ga de Plan Statal len ugilju gakax ni’i ulidzu Plan Statal na, gusalaj pajina web ki OSHA: www.osha.gov/stateplans/.

12. I’i ukatxi US DOL na yugu informasion na yu’u lu solisitu konfidensial kia ka?

Segun ka nakaka praktika standar ki US DOL, US DOL na dxi’a ba guntxi’i yugu ka solisitu ki Deklarasion de Interés ki US DOL kana runka mandadu yugu ka lei. Txa US DOL na unëdzaj tu solisitu, laska de ki ude gwi Deklarasion de Interés ki US DOL lenka bunatxi na tabanaka kiki nazaa len DHS.

13. Gakate xtsei run pensari Departamentu na ki idzei ati kaa ukabi kika bunatxi na guluka solisitu kiki?

Departamentu na ridzeitikiz idu txiurua 30 dza ki risëla didza ga na txaba gudëdi o tibi gudëdi solisitu o txa ba zua bi tu kubi inëšru. US DOL na gun ba yudxi ga idixjëi ka bunatxi bipa tu kubi zua kada txiuruaa 30 dza wëaj txa ba ni zuake tuyuke tu solisitu. Gapagu kwenta ki plasu nadxi idzaa txa ba zua tu solisitu baniga len txa ba dzëke bëni zian tunke solisitu ki Deklarasion de Interés ki US DOL lu Departamentu na.

14. Bix rala gune lëza bëni na nagwee solisitu kie txa Departamentu na tibi geni unëdzaj tu Deklarasion de Interés ki US DOL kati zua didza bixhaj ki dxin lu dxin?

Txa US DOL na tibi reni gun tu Deklarasion de Interés ki US DOL kati zua tu didza bixhaj ki dxin, luegu te rala ilidixjëikine bëni na nagwee solisitu kie o representanti kие. Deklarasion de Interés ki US DOL naka idulu diskresional.

Txa Departamentu na tibi reni unëdzaj tu Deklarasion de Interés ki US DOL kati zua tu didza bixhaj ki dxin, US DOL na turuntikaz **naka** tibi ulidza DHS ni ki solisitu na. US DOL **tibi** tibi run ga sii xbei lei ki dxin lu lataj ga raka dxin.

15. Ba nutsa US DOL ki kaa itxuguli undëdzaj DHS na tu solisitu ki aksion diferida ki tu bëni wendxin tuze?

Tuzkaz DHS na naka lunei itxuguli txa unëdzaj aksion diferida o bila proteksion diskresional ki imigrasion kieka bunatxi tanaka lei. US DOL na len ka yazikala ajencia run ga rizii xbei lei waka idixjëiki DHS txa ba zua run ba yudxi tu diskresion na raka ribë xbei lei ki imigrasion ki gun txini len laska waka ubika didza ki yugu ka solisitu ki informasion riyadzaj parti ki DHS kati zua tu solisitu ki diskresion na runke ga ruzee badxi lei.

Txaba rennu inëšnu masra gakax ni’i ruguni dxin aksion difereida DHS na ki guxu tsutsu ki sii xbei yugu ka lei ki dxin, buyu tu ni www.dhs.gov/enforcement-labor-and-employment-laws.

Txaba rennu inëšnu masra ki ka yugu lei na ruguni dxin US DOL len ka yazikala ajencia ki dxin na masra, buyu tu ni <https://www.worker.gov>.



16. Bix raka txa renda uzua masra informasion lawi solisitu na gusëla ziala lu US DOL ki iruaj kia tu Deklarasion de Interés ki US DOL?

Waka uzuu masra lawi informasion na rudëdu na rigw'u solisitu kiu txa ba run ba yudxi rikinne lei bëni wen dxin na rala ugunne dxin koreo elektroniku na txi benatu ziala.

17. Gax ni'i gaka inaba masra informasion ki inësta txa ba rala inaba tu Deklarasion de Interés ki US DOL o kilja kia tu aksion diferida ki DHS?

Naka bën ugilajle orientasion ki yugu lei ki imigrasion ziala itxugulile kule solisitu inabale tu Deklarasion de Interés ki US DOL o txa ba rala kule tu solisitu ki aksion diferida lu DHS. Txaba rennu uyuu tu lista ki ka bëni rudeke serbisio legal pro bono, buyu ni: <https://www.justice.gov/eoir/list-pro-bono-legal-service-providers>. Tibi de garantia ki waruaj dxi'a tu ni ki nutitez bëni wen dxin tu wëaj tu wëajke; ki kieke bëni wen dxin na rala kilajke orientasion ki tsajnikine dxi'a bixpa natxee ki tu wëajke txa kuke solisitu kieke lu DHS. Txaba rennu inësnu masra gaxax ni'i ruguni dxin aksion difereida DHS na ki guxu tsutsu ki sii xbei yugu ka lei ki dxin, ni www.dhs.gov/enforcement-labor-and-employment-laws.

18. Txa guna solisitu inaba tu aksion diferida ki DHS ugunida dxin tu Deklarasion de Interés ki US DOL, gaxaxte idzei aksion diferida na? I waka ukubiru aksion diferida na?

DHS na naka lu nei itxuguli txa unëdzaj o kabi unëdzaj aksion diferida na len gaka xtsei guna lei. DHS txi guna ki txa waruaj aksion diferida na, waka sîle lei txupa iza len laska waka ulugwake lei batatez tenike. DHS na laska rude orientasion ki ka bëni wen dxin na txi biruaj kieke guxhike aksion diferida len dzëke tanabake yu tu txi'i kaa aksion diferida na len la leis tu ni raka na'a. Tu bëni wen dxin txi guxhi'e tu aksion diferida segun tu ina txa ba de interés ki gun lei ajensia ki dxin waka kwe yu tu solisitu inabe yu tu aksion diferida ki yu txupa iza kaa kati ni rikinine lei lu ajensia ki dxin kie. Txaba rennu inësnu masra gaxax ni'i gunu inabu yu tu xtsei kaa ki aksion diferida ki kaa gwa yuaa ki gaka gitxi ki dxin lu DHS, buyu tu ni <https://www.dhs.gov/enforcement-labor-and-employment-laws>.

19. Ba runëdzaj US DOL na Deklarasion de Interés ki US DOL tu guxu yugu ka solisitu sa zaka ki kaa bëni wen dxin na gata kieke aksion diferida?

Á. US DOL na rapa kwenta yugu ka solisitu ki Deklarasion de Interés ki US DOL nukwbi leiki US DOL na tu wëaj tu wëajka ki kaa gun promoberi interés ki ati kaa gaka sii kunplimiento yugu lei lu lataj ga rinabei.

DHS na rui lataj ka bëni wen dxin ki sa ilisëlalake solisitu kieke ki aksion diferida ki uxënke tska xtsei rala gata aksion diferida na, rala gata tu Deklarasion de Interés nakwbi ki ajensia lu dxin, tu gayuaa yu galaj 120 dza ziala udxi ladxi tska xtsei na benakazke aksion diferida na. Yugu ka solisitu ki aksion diferida sa zaaka idxinka lu DHS txi gudëdi tu gayuaa yu galaj 120 dza na ni de lu xtsei na benake ziale aksion diferida naa, nadxi gun ga idzei ki sii xlatëj aksion diferida na len ki gaka autorisar dxin na zayaj len.

Ki gaka seguru ki US DOL na seki gun prosesari dxi'a tu solisitu ki Deklarasion de Interés ki US DOL, bunatxi na tanabaka lei rala ilisëlalake solisitu kike lu US DOL **skiera tu gayua yu tsuna lalaj 160 dza zuara udxi tska xtsei na benake aksion diferida na.**

Waka isëlale yugu ka solisitu kiele lu koreo elektroniku statementrequests@dol.gov lu asuntu ki uzuale "Rinaba Deklarasion de Interés ki US DOL nukwbike leiki". Lu solisitu na isëlale lu koreo elektroniku, dxi'ado rala uzuale ki rinabale tu Deklarasion de Interés ki US DOL ki gwa yuaa ki solisitu na sa inabale ki uxënke tska xtsei gun aksion diferida lu DHS. Rinabitu lubile ki udela gjajli informaciun ki kaa seki Departamentu na ugilaj gaxte ni na zua dxin na ruzuale lei yulawi ati zua ki didza bixhaj. Waka, uzú bix lee bëni na rúne kiu dxin (o lei empresa gana runu dxin) gaxte zua lidxi dxin len bi fetxa gudela Deklarasion de interés ki Departamentu wazeki gun yudari. Departamentu na ridzeitikiz idu txiurua 30 dza ki risëla didza ga rina txaba gudëdi o tibi gudëdi solisitu kieru. Gapagu kwenta ki plasu nadxi idzaa txa ba zua tu solisitu baniga len txa ba dzëke bëni zian tunke solisitu ki Deklarasion de Interés ki US DOL lu Departamentu na.



Tu ribeki xbei Departamentu Dxin ki Stadiusunidu

Yugu ka Deklarasion de Interés kwbi ki US DOL tibi naka ki tu wëajke bëni wen dxin; ki tu latal lu dxin iruaj o tu bëni na runëdzje dxin.

20. I waka US DOL na guna tu Deklarasion de Interés ki US DOL kati zua tu didza bixhaj ki dxin lu DHS mala kabi nu isëla solisitu ki gaka deklarasion na?

Á. Kati run ba yudxi ki gunru promoberi tu dxin ki aplikasion ki Departamentu, Departamentu na ribeaj yugu ka Deklarasion de Interés ki US DOL o bëtxi naa kati zua tu didza bixhaj ki dxin, rakaz ki run ka, tibi nu rinaba solisitu.

21. Ba zua laxhaj solisitu ki Deklarasion de Interés ki US DOL na ka?

Tibi zua laxhaj solisitu ki Deklarasion de Interés ki US DOL na ki ka bunatxi. Solisitu ni waka kwke lei lazke bëni wen dxin na o bëni zuake rutsagake tu didza bixhaj ki lu dxin, o laska waka kwee lei bëni nake representanti ki ka bunatxi na rajsua leiki didza bixhaj ki lu dxin ka raka representanti legal kieke o nula run yudari ka bëni wen dxin na.

22. I ba rala uzuaa tu keja lu tu ajensia ki US DOL txa zua kia tu didza bixhaj ki lu dxin ati txi gunaba tu Deklarasion de Interés ki US DOL?

Raxtu yugu ka bëni wen dxin zua kieke didza bixhaj ni ki tu lei ruguni dxin US DOL ki uzuake tu keja lu ofisina ki US DO zua gana zuake le ki inëz txa US DOL na tibi ni nëz ki zua kiele tu didza bixhaj ki dxin. Ta rinabaru tu Deklarasion de Interés ki US DOL na tibi reni ina ki tibi rala uzuaru keja kieru lu tu ajensia naka lunei gwi kunplimientu, laska rala isëlaru tu solisitu ki Deklarasion de Interés ki US DOL tu ni tibi naka tu idixjëi reo txa zua gapa kabi rapake yugu ka lei ki dxin.

- Waka ugilju ni tu ofisina lokal ki distritu **Tu ruyu laxhajru len tska xtsei runru dxin (Wage and Hour Division)** ni: <https://www.dol.gov/agencies/whd/contact/local-offices> o gune lu 1-866-487-9243
- Waka ugilju ni tu ofisina lokal ki Area **Administrasion ki Segurida len Salu ki dxin (Occupational Safety and Health Administration)** ni: <https://www.osha.gov/contactus/bystate> o gune lu 1-800-321-6742 (OSHA)
- Waka ugilju ni tu ofisina lokal ki distritu ki **Ofisina ki Programa rui kumplimiento yugu ka Kuntratu Federal (Office of Federal Contract Compliance Programs)** ni: <https://www.dol.gov/agencies/ofccp/contact/file-complaint>

Txaba rennu inësnu masra yugu deretxu napake bëni wen dxin, buyu ni <https://www.worker.gov/>.

23. I tuzkaz US DOL na naka ajensia ki dxin runëdza Deklarasion de Interés ki tu ni ka?

A'a. Laska dxin na run DHS runa lataj ki bititez ajensia ki dxin o tu naka federal, statal o zua lu yëdxi waka gunka Deklarasion de Interés na. Yu txupa ka ajensia federal ki dxin Junta Nasiunal ki Relacion ki Dxin (National Labor Relations Board) (<https://www.nlr.gov/guidance/key-reference-materials/immigrant-worker-rights>) lenka Komisión ki Iguada ki Oportunida lu dxin (Equal Employment Opportunity Commission) (<https://www.eeoc.gov/faq/eeocs-support-immigration-related-deferred-action-requests-dhs>) laska leiki runëdzajka Deklarasion de Interés. Laska, bala ka ajensia ki dxin statal len tu zua lu yëdxi runaka Deklarasion de Interés na. US DOL na tibi naka tuz len yugu ka departamentu ki dxin, len tu federal, tu statal lenka tu zuaka lu yëdxi. Yugu ka bunatxi na zua bi raka kiki o txa zua kiki pendiente tu inbestigasion len yuturla ajensia ki dxin o nupa reniki ilinaba tu solisitu ki deklarasion de interés len ka yugu ka ajensia yubla naa, rala ulidzake ka kwinki yugu ka ajensia na. US DOL na tibi unëdzaj Deklarasion ki Interés kati zua tu didza bixhaj ki dxin ati tibi nutsa na DOL.